



PROGRAM
SUFINANCIRANJA ZAPOŠLJAVANJA 2022

Sarajevo, februara/veljače 2022. godine

SADRŽAJ

1.	Osnov za donošenje, izvor financiranja i nosioci realizacije Programa	4
2.	Cilj	4
3.	Ciljne grupe	4
4.	Korisnici	4
4.1.	<i>Poslodavci</i>	4
4.2.	<i>Kantonalne/županijske službe za zapošljavanje</i>	5
4.3.	<i>Nezaposlene osobe</i>	5
5.	Način sufinanciranja	6
6.	Poticajne mjere i ciljne grupe	6
6.1.	<i>Zapošljavanje pripravnika 2022</i>	6
6.2.	<i>Mladi sa iskustvom 2022</i>	7
6.3.	<i>Zapošljavanje žena 2022</i>	8
6.4.	<i>Prilika za sve 2022</i>	8
6.5.	<i>Zapošljavanje demobiliziranih branilaca/razvojačenih branitelja 2022</i>	9
6.6.	<i>Periodično/sezonsko zapošljavanje 2022</i>	10
6.7.	<i>Nova mogućnost 2022</i>	10
6.8.	<i>Javni radovi i pomoć potrebnima 2022</i>	10
6.9.	<i>Tražim poslodavca 2022</i>	11
6.10.	<i>Služba u suradnji sa poslodavcima 2022</i>	12
7.	Raspodjela predviđenih sredstava za realizaciju Programa	12
8.	Priprema za realizaciju Programa	15
9.	Javni poziv	15
9.1.	<i>Registracija poslodavca</i>	15
9.2.	<i>Registracija fizičkih osoba</i>	16
9.3.	<i>Prijava na Javni poziv</i>	16
10.	Provjera i obrada pristiglih prijava/zahtjeva	17
11.	Zaključivanje ugovora o sufinanciranju	18
12.	Pravdanje i isplata ugovorenih sredstava	19

13. Opće napomene	20
14. Kontrola i praćenje izvršenja ugovorenih obaveza.....	21
15. Indikatori za praćenje realizacije (monitoring) i ocjenu uspješnosti efekata mjera (evaluaciju) .	21

1. Osnov za donošenje, izvor financiranja i nosioci realizacije Programa

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom jačanja funkcije posredovanja u javnim službama za zapošljavanje u Federaciji BiH i ciljevima iz Programa rada Federalnog zavoda za zapošljavanje za 2022. godinu i Trogodišnjeg plana rada Federalnog zavoda za zapošljavanje 2022-2024, te Zakona o pravima branitelja i članova njihovih porodica („Službene novine Federacije BiH“, broj 54/19 od 31.7.2019. godine, sačinjen je Program sufinansiranja zapošljavanja 2022 (u daljem tekstu: Program).

Za realizaciju Programa predviđena su sredstva u iznosu od **45.000.000,00 KM** u skladu sa Financijskim planom za 2022. i procjenom za 2023 i 2024. godinu.

Federalni zavod za zapošljavanje (u daljem tekstu: Zavod) realizira Program u suradnji sa kantonalnim/županijskim službama za zapošljavanje (u daljem tekstu: Služba/službe).

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

2. Cilj

Program se realizira s ciljem zapošljavanja najmanje **9000** osoba sa evidencije nezaposlenih u Federaciji BiH sa posebnom socijalnom i rodnom osjetljivošću, radi njihovog zapošljavanja, sprječavanja dugotrajne nezaposlenosti, očuvanja i unaprjeđenja radnih sposobnosti, te stvaranja uvjeta za jačanje konkurentnosti mladih osoba bez radnog iskustva kroz osposobljavanje za rad u struci i stjecanje prvog radnog iskustva.

3. Ciljne grupe

Programom će se kroz različite mjere obuhvatiti sljedeće kategorije nezaposlenih osoba:

- Mladi bez radnog iskustva - pripravnici
- mladi,
- žene,
- osobe dobi do 35 godina sa radnim iskustvom/stažom,
- osobe preko 40 godina,
- dugotrajno nezaposlene osobe, prijavljene na evidenciju nezaposlenih 12 mjeseci i više,
- osobe nižih kvalifikacija i bez kvalifikacija,
- demobilizirani branioци/razvojačeni branitelji.

4. Korisnici

4.1. Poslodavci

Korisnici Programa su poslodavci registrirani u Federaciji BiH koji redovno izmiruju obaveze po osnovu poreza i doprinosa, te oni koji imaju potpisan sporazum sa Poreznom upravom Federacije BiH o izmirenju duga po osnovu doprinosa, kao i oni na koje se odnosi Zakon o finansijskoj konsolidaciji.

U Programu ne mogu sudjelovati:

- poslodavci koji su koristili kreditna sredstva iz poticajnih mjera Zavoda, a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva,

- poslodavci koji ne izmiruju redovno obaveze po osnovu poreza i doprinosa ili koji nemaju potpisan sporazum sa Poreznom upravom Federacije BiH o izmirenju duga po osnovu poreza i doprinosa,
- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa zaposlenikom nisu zaključili ugovor o radu (rad na crno).

Po svakoj objavi Javnog poziva, poslodavcu se može odobriti sufinansiranje zapošljavanja, ukupno po svim mjerama, što uključuje i mjeru Služba u suradnji sa poslodavcima 2022, najviše po 20 osoba sa evidencije nezaposlenih po kantonu/županiji.

Poslodavcu se neće sufinancirati zapošljavanje osoba koje je već zapošljavao, koristeći ili ne koristeći sredstva iz poticajnih mjera Zavoda, a kojima je prestao radni odnos kod tog poslodavca u posljednjih 48 mjeseci prije dana objave Javnog poziva (izuzev mjere: „Javni radovi i pomoć potrebnima 2022“), odnosno prije dana podnošenja zahtjeva za sufinansiranjem za mjeru Služba u suradnji sa poslodavcima 2022.

Poslodavcu se neće sufinancirati zapošljavanje osoba po mjeri „Periodično/sezonsko zapošljavanje 2022“ koje je već zapošljavao, koristeći ili ne koristeći sredstva iz poticajnih mjera Zavoda, a kojima je prestao radni odnos kod tog poslodavca u posljednja četiri (4) mjeseca prije dana objave Javnog poziva.

Korisnici mjere „Prilika za sve 2022“ su poslodavci, registrirani u Federaciji BiH u skladu sa Zakonom o privrednim društvima i Zakonom o obrtu.

Korisnici mjere „Javni radovi i pomoć potrebnima 2022“, podmjera Javni radovi, su poslodavci registrirani u Federaciji BiH, i to: javna preduzeća, jedinice lokalne samouprave, federalne, kantonalne/županijske i općinske institucije/ustanove koje djeluju u oblasti socijalne zaštite/skrbi, obrazovanja, kulture, komunalne privrede, ekologije i turizma, kao i nevladine organizacije koje surađuju sa navedenim institucijama/ustanovama u prethodno navedenim oblastima ili rade na programima/projektima koji se tiču istih oblasti, podržanim od drugih donatora.

Korisnici mjere „Javni radovi i pomoć potrebnima 2022“, podmjera Pomoć potrebnima, su poslodavci koji pružaju usluge socijalne zaštite/skrbi, kućne njege, pomoći u kući, pomoći potrebnima i sl., osobama u potrebi.

Poslodavcu se neće sufinancirati zapošljavanje osoba, tj. neće se zaključiti ili će se raskinuti ugovor o sufinansiranju zapošljavanja u slučaju ukoliko Služba/Zavod utvrdi namjeru zloupotrebe ciljeva i drugih odredbi ovog programa.

4.2. Kantonalne/županijske službe za zapošljavanje

Korisnici Programa po mjeri „Služba u suradnji sa poslodavcima 2022“ su kantonalne/županijske službe za zapošljavanje, koje sa poslodavcima i/ili drugim pravnim subjektima surađuju radi zapošljavanja nezaposlenih osoba na kantonalnom/županijskom, odnosno općinskom nivou.

4.3. Nezaposlene osobe

Korisnici Programa su nezaposlene osobe definirane ciljnim grupama, prijavljene na evidenciju kantonalnih/županijskih službi za zapošljavanje u Federaciji BiH.

5. Način sufinansiranja

Programom je predviđeno sufinansiranje troškova doprinosa, a u slučaju da je iznos sufinansiranja veći od troškova doprinosa, ostatak iznosa sufinansiranja se koristi za isplatu dijela neto plaće.

Zavod poslodavcu, po dostavljenom pravdanju, refundira određeni iznos koji je definiran svakom mjerom zasebno.

Osnovni iznos sufinansiranja zapošljavanja u svim mjerama se bez kumulativnog zbrajanja povećava za 10% za sljedeće kategorije nezaposlenih osoba:

- osobe sa invaliditetom, kao i radno sposobne osobe sa lakom i umjerenom retardacijom (dokaz - uvjerenje instituta za medicinsko vještačenje),
- članovi šehidskih porodica ili porodica poginulih branitelja (dokaz -uvjerenje BIZ-a ili drugi relevantan dokaz),
- nezaposleni demobilizirani branioci/razvojačeni branitelji (dokaz - relevantna dokumentacija) – ne primjenjuje se na mjeru Zapošljavanje branitelja 2022,
- djeca nezaposlenih demobiliziranih branioca/razvojačenih branitelja (dokaz - uvjerenje BIZ-a),
- djeca i supružnici osoba s invaliditetom od 60% i više (dokaz - uvjerenje općine),
- članovi domaćinstva u kojem ni jedan član nije zaposlen (dokaz - uvjerenje općine i uvjerenje biroa za zapošljavanje),
- Romi (dokaz - ovjerena izjava o pripadnosti romskoj nacionalnoj manjini),
- samohrani roditelji, staratelji i hranitelji i njihove djece (dokaz - uvjerenje centra za socijalni rad),
- roditelji djeteta sa posebnim potrebama i roditelji teško bolesne djece (dokaz - uvjerenje centra za socijalni rad, druga relevantna dokumentacija),
- žrtve nasilja, žrtve nasilja u obitelji i djeca žrtava nasilja, civilne žrtve rata i dr. (dokaz - uvjerenje centra za socijalni rad, MUP-a, suda, te sigurne kuće),
- liječeni ovisnici (dokaz - uvjerenje specijalizirane medicinske ustanove, uvjerenje komune),
- bivši štíćenici doma za nezbrinutu djecu (dokaz - uvjerenje doma za nezbrinutu djecu, uvjerenje centra za socijalni rad).

6. Poticajne mjere i ciljne grupe

Programom su predviđene sljedeće mjere:

6.1. Zapošljavanje pripravnika 2022

- a) za osobe sa srednjom stručnom spremom (III i IV stupanj), prijavljene na evidenciju nezaposlenih u Federaciji BiH prije dana objave Javnog poziva/aktiviranja liste „na čekanju“, uz zasnivanje radnog odnosa na period od šest (6) mjeseci,
- b) za osobe za višom (VI stupanj) i visokom stručnom spremom (VII stupanj), odnosno sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS), ukoliko su prijavljene na evidenciju nezaposlenih u Federaciji BiH prije dana objave Javnog poziva/aktiviranja liste „na čekanju“, uz zasnivanje radnog odnosa na period od 12 mjeseci.

Cilj ove mjere je da se što većem broju mladih osoba dobi do 30 godina omogućiti osposobljavanje za rad u struci i sticanje prvog radnog iskustva u zvanju za koje su se školovale, kroz zasnivanje radnog odnosa, te na taj način poboljša njihova konkurentnost i integracija na tržištu rada.

U ovoj mjeri ne mogu sudjelovati osobe koje su stekle radno iskustvo u potrebnom ili kraćem vremenskom periodu u struci/zvanju za koje su se školovale.

U ovoj mjeri mogu sudjelovati samo osobe koje na dan objave javnog poziva nemaju navršenih 30 godina života.

Iznos sufinanciranja:

- a) iznos od 440 KM za protekli mjesec u trajanju od šest (6) mjeseci za osobe sa srednjom stručnom spremom (III i IV stupanj), prijavljene na evidenciju nezaposlenih u Federaciji BiH prije dana objave Javnog poziva/aktiviranja liste na čekanju,
- b) iznos od 470 KM za protekli mjesec u trajanju od šest (6) mjeseci za osobe sa srednjom stručnom spremom (III i IV stupanj), prijavljene na evidenciju nezaposlenih u Federaciji BiH najmanje šest (6) mjeseci prije dana objave Javnog poziva/aktiviranja liste na čekanju,
- c) iznos od 500 KM za protekli mjesec u trajanju od 12 mjeseci za osobe sa višom (VI stupanj) i visokom stručnom spremom (VII stupanj), odnosno sa završenim prvim ciklusom po Bolonjskom procesu (180/240 ECTS) i drugim ciklusom (300 ECTS), prijavljene na evidenciju nezaposlenih u Federaciji BiH prije dana objave Javnog poziva/aktiviranja liste na čekanju,
- d) iznos od 530 KM za protekli mjesec u trajanju od 12 mjeseci za osobe sa višom (VI stupanj) i visokom stručnom spremom (VII), odnosno sa završenim prvim ciklusom po Bolonjskom procesu (180/240 ECTS) i drugim ciklusom (300 ECTS), prijavljene na evidenciju nezaposlenih u Federaciji BiH najmanje šest (6) mjeseci prije dana objave Javnog poziva/aktiviranja liste na čekanju.

6.2. Mladi sa iskustvom 2022

Mjera podrazumjeva sufinanciranje zapošljavanja osoba sa radnim iskustvom/stažom, dobi do 35 godina, prijavljenih na evidenciju nezaposlenih u Federaciji BiH prije dana objave Javnog poziva/aktiviranja liste „na čekanju“, i to:

- a) bez obzira na stručnu spremu, na period od šest (6) mjeseci
- b) sa višom (VI stupanj) i visokom stručnom spremom (VII stupanj), odnosno sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS), na period od 12 mjeseci.

Cilj ove mjere je da se što većem broju osoba iz ciljne grupe omogućiti efikasnija integracija na tržištu rada.

U ovoj mjeri mogu sudjelovati samo osobe koje na dan objave javnog poziva nemaju navršenih 35 godina života.

Iznos sufinanciranja:

- a) iznos od 440 KM za protekli mjesec u trajanju od šest (6) mjeseci, za osobe bez obzira na stručnu spremu, prijavljene na evidenciju nezaposlenih u Federaciji BiH prije dana objave Javnog poziva/aktiviranja liste na čekanju,

- b) iznos od 470 KM za protekli mjesec u trajanju od šest (6) mjeseci, za osobe bez obzira na stručnu spremu, prijavljene na evidenciju nezaposlenih u Federaciji BiH najmanje šest (6) mjeseci prije dana objave Javnog poziva/aktiviranja liste na čekanju,
- c) iznos od 500 KM za protekli mjesec u trajanju od 12 mjeseci, za osobe sa višom (VI stupanj) i visokom stručnom spremom (VII stupanj), odnosno sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS), prijavljene na evidenciju nezaposlenih u Federaciji BiH prije dana objave Javnog poziva/aktiviranja liste na čekanju,
- d) iznos od 530 KM za protekli mjesec u trajanju od 12 mjeseci, za osobe sa višom (VI stupanj) i visokom stručnom spremom (VII), odnosno sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS), prijavljene na evidenciju nezaposlenih u Federaciji BiH najmanje šest (6) mjeseci prije dana objave Javnog poziva/aktiviranja liste na čekanju.

6.3 Zapošljavanje žena 2022

Mjera podrazumijeva sufinanciranje zapošljavanja žena, prijavljenih na evidenciju nezaposlenih u Federaciji BiH prije dana objave Javnog poziva/aktiviranja liste „na čekanju“, i to:

- a) bez obzira na stručnu spremu, radno iskustvo i dob, na period od šest (6) mjeseci,
- b) sa višom (VI stupanj) i visokom stručnom spremom (VII stupanj), odnosno sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS), bez obzira na radno iskustvo i dob, na period od 12 mjeseci.

Poslodavac se odmah prilikom prijavljavanja na Javni poziv odlučuje za varijantu perioda sufinanciranja i broj osoba.

Cilj ove mjere je da se nezaposlenim ženama olakša integracija na tržištu rada i spriječi dugotrajna nezaposlenost, te doprinese povećanju stope zaposlenosti žena.

Iznos sufinanciranja:

- a) iznos od 500 KM za protekli mjesec za žene, bez obzira na stepen obrazovanja, u trajanju od šest (6) mjeseci,
- b) iznos od 500 KM za protekli mjesec za žene sa višom (VI stupanj), odnosno visokom stručnom spremom (VII stupanj), odnosno sa završenim prvim ciklusom po Bolonjskom procesu (180/240 ECTS) i drugim ciklusom (300 ECTS) u trajanju od 12 mjeseci.

6.4. Prilika za sve 2022

Mjera podrazumijeva sufinanciranje zapošljavanja osoba, prijavljenih na evidenciju nezaposlenih u Federaciji BiH prije dana objave Javnog poziva/aktiviranja liste na čekanju, bez obzira na radno iskustvo, spol, dob i stručnu spremu, i to u trajanju od šest (6) ili 12 mjeseci.

U slučaju da se poslodavac opredijeli za zapošljavanje osoba na period od 12 mjeseci, tada se poslodavcu refundira ½ subvencije nakon šestog (6) do 12-tog mjeseca perioda sufinanciranja.

Poslodavac se odmah prilikom prijavljavanja na Javni poziv odlučuje za varijantu perioda sufinanciranja i broj osoba.

Cilj ove mjere je da se nezaposlenim osobama olakša integracija na tržištu rada i spriječi dugotrajna nezaposlenost uz mogućnost pružanja podrške poslodavcu u obliku produženog sufinanciranja zapošljavanja, te doprinese povećanju opće stope zaposlenosti.

Korisnici ove mjere mogu biti isključivo poslodavci iz privatnog sektora.

Iznos sufinanciranja:

- a) iznos od 440 KM za protekli mjesec u trajanju od šest (6) mjeseci,
- b) iznos od 440 KM za protekli mjesec u trajanju od prvih šest (6) mjeseci i iznos od 220 KM za protekli mjesec u trajanju od narednih šest (6) mjeseci.

6.5. Zapošljavanje demobiliziranih branilaca/razvojačenih branitelja 2022

Mjera podrazumijeva sufinanciranje zapošljavanja osoba u skladu sa članom 2. Zakona o pravima demobiliziranih branilaca i članova njihovih porodica („Službene novine Federacije BiH“, broj 54/19), i to: demobiliziranih branilaca¹ i demobiliziranih branilaca dobrovoljaca², prijavljenih na evidenciju nezaposlenih u Federaciji BiH, prije dana objave Javnog poziva/aktiviranja liste „na čekanju“, bez obzira na radno iskustvo, spol, dob i stručnu spremu, i to u trajanju od šest (6) ili 12 mjeseci.

U slučaju da se poslodavac opredijeli za zapošljavanje osoba na period od 12 mjeseci, tada se poslodavcu refundira ½ subvencije nakon šestog (6) do 12-tog mjeseca perioda sufinanciranja.

Poslodavac se odmah prilikom prijavljavanja na Javni poziv odlučuje za varijantu perioda sufinanciranja i broj osoba.

Cilj ove mjere je da se osobama iz ciljne grupe olakša integracija na tržištu rada i spriječi dugotrajna nezaposlenost uz mogućnost pružanja podrške poslodavcu u obliku produženog sufinanciranja zapošljavanja, te doprinese povećanju stope zaposlenosti ove kategorije nezaposlenih osoba.

Iznos sufinanciranja:

- a) iznos od 500 KM, za protekli mjesec u trajanju od šest (6) mjeseci,
- b) iznos od 500 KM za protekli mjesec u trajanju od prvih šest (6) mjeseci i iznos od 250 KM za protekli mjesec u trajanju od narednih šest (6) mjeseci,
- c) iznos od 550 KM, za protekli mjesec u trajanju od šest (6) mjeseci,
- d) iznos od 550 KM za protekli mjesec u trajanju od prvih šest (6) mjeseci i iznos od 275 KM za protekli mjesec u trajanju od narednih šest (6) mjeseci.

Tačke c) i d) se odnose na zapošljavanje demobiliziranog branioca/razvojačenog branitelja dobrovoljca, koje je kao maloljetno dobrovoljno stupilo u Oružane snage u periodu od 18.9.1991. godine do 22.4.1996. godine (član 2., stav 2., Zakona o pravima demobiliziranih branitelja i članova njihovih porodica).

¹ Demobiliziranim braniocem/braniteljem, u smislu ovog zakona, smatra se pripadnik Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova, koji je učestvovao u pripremama za odbranu ili u odbrani Bosne i Hercegovine u periodu od 18.09.1991. do 22.04.1996. godine minimalno godinu dana, pod uvjetom da ne postoje okolnosti iz člana 36. Zakona o pravima demobiliziranih branilaca i članova njihovih porodica ("Službene novine Federacije BiH", br. 33/04, 56/05, 70/07, 9/10 i 90/17).

² Demobiliziranim braniocem/braniteljem dobrovoljcem smatra se i lice koje je kao maloljetno dobrovoljno stupilo u Oružane snage u periodu iz stava (1) ovog člana.

6.6. Periodično/sezonsko zapošljavanje 2022

Mjera podrazumijeva sufinanciranje zapošljavanja osoba, prijavljenih na evidenciju nezaposlenih u Federaciji BiH prije dana objave Javnog poziva/aktiviranja liste „na čekanju“, bez obzira na radno iskustvo, dob i stručnu spremu uz zasnivanje radnog odnosa na period od jednog (1) do šest (6) mjeseci.

Poslodavac sa Zavodom/Službom zaključuje ugovor o sufinanciranju zapošljavanja potrebnog broja osoba na period od najduže šest (6) mjeseci.

Cilj ove mjere je da se nezaposlenim osobama olakša integracija na tržištu rada i spriječi dugotrajna nezaposlenost, te da se poslodavcima osigura radna snaga u skladu sa njihovim potrebama.

Iznos sufinanciranja:

- a) Zavod poslodavcu mjesečno isplaćuje/refundira iznos od 440 KM za protekli mjesec u trajanju do šest (6) mjeseci.

6.7. Nova mogućnost 2022

Mjera podrazumijeva sufinanciranje zapošljavanja osoba, i to:

- a) osoba dobi 40 i više prijavljenih na evidenciju nezaposlenih u Federaciji BiH minimalno dan prije dana objave Javnog poziva/aktiviranja liste „na čekanju“, bez obzira na spol, stručnu spremu.
- b) osoba prijavljenih na evidenciju nezaposlenih u Federaciji BiH najmanje 12 mjeseci prije dana objave Javnog poziva/aktiviranja liste na čekanju, bez obzira na spol, dob i stručnu spremu,
- c) osoba niže kvalifikacije ili bez kvalifikacije (NSS, NK, PK) prijavljenih na evidenciju nezaposlenih u Federaciji BiH minimalno dan prije dana objave Javnog poziva/aktiviranja liste „na čekanju“, bez obzira na spol i dob.

uz zasnivanje radnog odnosa na period od šest (6) ili 12 mjeseci.

U slučaju da se poslodavac opredijeli za zapošljavanje osoba na period od 12 mjeseci, tada se poslodavcu refundira ½ subvencije nakon šestog (6) do 12-tog mjeseca perioda sufinanciranja

Poslodavac se odmah prilikom prijavljavanja na Javni poziv odlučuje za varijantu perioda sufinanciranja i broj osoba.

Cilj ove mjere je da se nezaposlenim osobama koje su u izuzetno lošoj situaciji na tržištu rada olakša integracija i prekine dugotrajna nezaposlenost, u skladu sa njihovim potrebama.

Iznos sufinanciranja:

- a) iznos od 530 KM za protekli mjesec u trajanju od šest (6) mjeseci, ili
- b) iznos od 530 KM za protekli mjesec u trajanju od prvih šest (6) mjeseci i iznos od 265 KM za protekli mjesec u trajanju od narednih šest (6) mjeseci.

6.8. Javni radovi i pomoć potrebnima 2022

Mjera podrazumijeva sufinanciranje zapošljavanja osoba, prijavljenih na evidenciju nezaposlenih u Federaciji BiH prije dana objave Javnog poziva/aktiviranja liste „na čekanju“, bez obzira na radno iskustvo i dob, uz zasnivanje radnog odnosa na period od jednog (1) do 12 mjeseci.

Cilj ove mjere je ublažavanje socijalnih posljedica nezaposlenosti, te integracija osoba iz ciljne grupe na tržištu rada, kroz vremenski ograničeni radni angažman, čijim angažmanom se doprinosi društveno korisnom radu i pružanju usluga osobama u potrebi.

U sklopu ove mjere predviđene su dvije (2) podmjere:

6.8.1. Javni radovi - zapošljavanje/radno angažiranje nezaposlenih osoba na period od jednog (1) do četiri (4) mjeseca u oblasti zaštite i očuvanja okoliša, sanacije divljih deponija, uređenja cesta, otklanjanja posljedica elementarnih nepogoda, zaštite kulturnih spomenika, obrazovnih programa i dr.,

6.8.2. Pomoć potrebnima - zapošljavanje nezaposlenih osoba na period od jednog (1) do 12 mjeseci u oblasti socijalne zaštite/skrbi, u cilju pružanja podrške specijaliziranim i drugim pravnim subjektima, koji pružaju usluge socijalne zaštite/skrbi, kućne njege, pomoći u kući i sl., osobama u potrebi.

Iznos sufinanciranja:

6.8.1. Javni radovi - iznos od 480 KM za protekli mjesec u trajanju do četiri (4) mjeseca, bez obzira na stručnu spremu nezaposlene osobe,

6.8.2. Pomoć potrebnima:

- a) iznos od 450 KM za protekli mjesec za zapošljavanje nezaposlenih osoba bez obzira na stručnu spremu u trajanju do 12 mjeseci,
- b) iznos od 550 KM za protekli mjesec za zapošljavanje nezaposlenih osoba sa visokom stručnom spremom (VSS), te osoba sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS) u trajanju do 12 mjeseci.

6.9. Tražim poslodavca 2022

Mjera podrazumijeva sufinanciranje zapošljavanja osoba, prijavljenih na evidenciju nezaposlenih u Federaciji BiH prije dana objave javnog poziva/aktiviranja liste „na čekanju“ za ovu mjeru, bez obzira na radno iskustvo, dob i stručnu spremu, uz zasnivanje radnog odnosa na period od šest (6) mjeseci ili 12 mjeseci.

Nezaposlena osoba iz ciljne grupe se prijavljuje na javni poziv koristeći prethodno dodjeljenu šifru prilikom registracije na portalu FZZZ-a (točka 9.2. Programa). Završena prijava generira obrazac TPO koji sadrži odgovarajući broj vaučera. Nezaposlena osoba preuzima obrazac TPO sa web portala Zavoda. Obrazac TPO vrijedi 60 dana od dana podnošenja prijave popunjavanjem Obrasca TPO/odnosno aktiviranje liste na čekanju, u kojem roku nezaposlena osoba mora pronaći poslodavca.

Nakon što nezaposlena osoba pronađe poslodavca koji je spreman da je zaposli uz ovu mjeru, poslodavac se, također, prijavljuje za sudjelovanje u Programu putem linka na web portalu: www.fzzz.ba, unoseći sve potrebne podatke te obavezno broj vaučera iz *Obrasca - Tražim poslodavca (Obrazac TPO)* osobe sa statusom „odobrena“, koju namjerava zaposliti.

Poslodavac se odmah prilikom prijavljivanja na Javni poziv odlučuje za varijantu perioda sufinanciranja i broj osoba. Poslodavac može zaposliti više osoba sa obrascem TPO, sukladno odredbama Programa, vodeći računa da se može zaključiti samo jedan Ugovor o sufinanciranju zapošljavanja po ovoj mjeri, po kantonu.

Cilj ove mjere, koja je fokusirana na nezaposlene osobe, je da se nezaposlenim osobama olakša integracija na tržištu rada i spriječi dugotrajna nezaposlenost, te da se pojača njihova motivacija i aktivnost u traženju posla.

Iznos sufinanciranja:

- a) Zavod poslodavcu mjesečno isplaćuje/refundira iznos od 500 KM za protekli mjesec u trajanju od šest (6) mjeseci ili 12 mjeseci.

6.10. Služba u suradnji sa poslodavcima 2022

Mjera podrazumjeva sufinanciranje zapošljavanja osoba bez obzira na radno iskustvo, spol, dob i stupanj obrazovanja, prijavljenih na evidenciju nezaposlenih u Federaciji BiH prije dana podnošenja zahtjeva za sufinanciranjem kroz suradnju Službe sa poslodavcem i/ili drugim pravnim subjektima. Poslodavac preuzima *Obrazac prijave – Služba u suradnji sa poslodavcima 2022 (Obrazac SP)*, na web portalu Zavoda.

Isti poslodavac može zaključiti jedan ugovor o sufinanciranju po ovoj mjeri po javnom pozivu, s tim što ukupan broj sufinanciranih osoba po svim mjerama Programa, što uključuje i mjeru Služba u suradnji sa poslodavcima 2022, ne može biti veći od 20 po kantonu.

Sva pravila Programa koja se odnose na nezaposlene osobe (točka 4.3.) i poslodavce (točka 4.1.) primjenjuju se i u ovoj mjeri.

Dinamiku realizacije mjere i specifične kriterije koji se odnose na sufinanciranje zapošljavanja utvrđuje svaka Služba za sebe.

Iznos sufinanciranja:

Sufinanciranje zapošljavanja: iznos od 500 KM za protekli mjesec u trajanju do dvanaest (12) mjeseci.

7. Raspodjela predviđenih sredstava za realizaciju Programa

Za realizaciju Programa predviđena je sljedeća raspodjela sredstava:

Tabela 1: Okvirna raspodjela sredstava po kantonima/županijama za sve mjere

KANTON	Nezaposlene osobe (30.11.2021.)	70% prema broju nezaposlenih	30% linearno	UKUPNO
1. Unsko-sanski	32.974	3.444.896,24	1.350.000,00	4.794.896,24
2. Posavski	4.035	421.548,99	1.350.000,00	1.771.548,99
3. Tuzlanski	70.762	7.392.726,02	1.350.000,00	8.742.726,02
4. Zeničko-dobojski	52.685	5.504.165,66	1.350.000,00	6.854.165,66
5. Bosansko-podrinjski	3.189	333.164,74	1.350.000,00	1.683.164,74
6. Srednjobosanski	32.753	3.421.807,68	1.350.000,00	4.771.807,68
7. Hercegovačko-neretvanski	29.802	3.113.507,54	1.350.000,00	4.463.507,54
8. Zapadnohercegovački	10.795	1.127.787,19	1.350.000,00	2.477.787,19
9. Kanton Sarajevo	58.403	6.101.542,89	1.350.000,00	7.451.542,89
10. Kanton 10	6.115	638.853,05	1.350.000,00	1.988.853,05
UKUPNO	301.513	31.500.000	13.500.000	45.000.000

Tabela 2: Raspodjela sredstava po kantonima/županijama za mjere: Zapošljavanje pripravnika 2022, Mladi sa iskustvom 2022, Periodično/sezonsko zapošljavanje 2022, Nova mogućnost 2022, Javni radovi i pomoć potrebnima 2022

KANTON	Nezaposlene osobe (30.11.2021.)	Osnov za obračun	Udio/učešće (%)	UKUPNO
1. Unsko-sanski	32.974	2.397.448,12	60	1.438.468,88
2. Posavski	4.035	885.774,49	75	664.330,87
3. Tuzlanski	70.762	4.371.363,01	60	2.622.817,81
4. Zeničko-dobojski	52.685	3.427.082,83	85,42	2.927.082,83
5. Bosansko-podrinjski	3.189	841.582,37	60	504.949,42
6. Srednjobosanski	32.753	2.385.903,84	60	1.431.542,30
7. Hercegovačko-neretvanski	29.802	2.231.753,77	60	1.339.052,26
8. Zapadnohercegovački	10.795	1.238.893,60	60	743.336,16
9. Kanton Sarajevo	58.403	3.725.771,44	60	2.235.462,86
10. Kanton 10	6.115	994.426,53	60	596.655,92
UKUPNO	301.513	22.500.000		14.503.699,31

Tabela 3: Raspodjela sredstava po kantonima/županijama za mjeru: Zapošljavanje žena 2022

KANTON	Nezaposlene osobe (30.11.2021.)	70% prema broju nezaposlenih	30% linearno	UKUPNO
1. Unsko-sanski	32.974	306.213,00	120.000,00	426.213,00
2. Posavski	4.035	37.471,02	120.000,00	157.471,02
3. Tuzlanski	70.762	657.131,20	120.000,00	777.131,20
4. Zeničko-dobojski	52.685	489.259,17	120.000,00	609.259,17
5. Bosansko-podrinjski	3.189	29.614,64	120.000,00	149.614,64
6. Srednjobosanski	32.753	304.160,68	120.000,00	424.160,68
7. Hercegovačko-neretvanski	29.802	276.756,23	120.000,00	396.756,23
8. Zapadnohercegovački	10.795	100.247,75	120.000,00	220.247,75
9. Kanton Sarajevo	58.403	542.359,37	120.000,00	662.359,37
10. Kanton 10	6.115	56.786,94	120.000,00	176.786,94
UKUPNO	301.513	2.800.000	1.200.000	4.000.000

Tabela 4: Raspodjela sredstava po kantonima/županijama za mjeru: Zapošljavanje demobiliziranih branilaca/razvojačenih branitelja 2022

KANTON	Nezaposlene osobe (30.11.2021.)	70% prema broju nezaposlenih	30% linearno	UKUPNO
1. Unsko-sanski	32.974	38.276,62	15.000,00	53.276,62
2. Posavski	4.035	4.683,88	15.000,00	19.683,88
3. Tuzlanski	70.762	82.141,40	15.000,00	97.141,40
4. Zeničko-dobojski	52.685	61.157,40	15.000,00	76.157,40
5. Bosansko-podrinjski	3.189	3.701,83	15.000,00	18.701,83
6. Srednjobosanski	32.753	38.020,09	15.000,00	53.020,09
7. Hercegovačko-neretvanski	29.802	34.594,53	15.000,00	49.594,53
8. Zapadnohercegovački	10.795	12.530,97	15.000,00	27.530,97
9. Kanton Sarajevo	58.403	67.794,92	15.000,00	82.794,92
10. Kanton 10	6.115	7.098,37	15.000,00	22.098,37
UKUPNO	301.513	350.000	150.000	500.000

Tabela 5: Raspodjela sredstava po kantonima/županijama za mjeru: Tražim poslodavca 2022

KANTON	Nezaposlene osobe (30.11.2021.)	70% prema broju nezaposlenih	30% linearno	UKUPNO
1. Unsko-sanski	32.974	765.532,50	300.000,00	1.065.532,50
2. Posavski	4.035	93.677,55	300.000,00	393.677,55
3. Tuzlanski	70.762	1.642.828,00	300.000,00	1.942.828,00
4. Zeničko-dobojski	52.685	1.223.147,92	300.000,00	1.523.147,92
5. Bosansko-podrinjski	3.189	74.036,61	300.000,00	374.036,61
6. Srednjobosanski	32.753	760.401,71	300.000,00	1.060.401,71
7. Hercegovačko-neretvanski	29.802	691.890,57	300.000,00	991.890,57
8. Zapadnohercegovački	10.795	250.619,38	300.000,00	550.619,38
9. Kanton Sarajevo	58.403	1.355.898,42	300.000,00	1.655.898,42
10. Kanton 10	6.115	141.967,34	300.000,00	441.967,34
UKUPNO	301.513	7.000.000	3.000.000	10.000.000

Tabela 6: Raspodjela sredstava po kantonima/županijama za mjeru: Prilika za sve 2022

KANTON	Nezaposlene osobe (30.11.2021.)	70% prema broju nezaposlenih	30% linearno	UKUPNO
1. Unsko-sanski	32.974	612.426,00	240.000,00	852.426,00
2. Posavski	4.035	74.942,04	240.000,00	314.942,04
3. Tuzlanski	70.762	1.314.262,40	240.000,00	1.554.262,40
4. Zeničko-dobojski	52.685	978.518,34	240.000,00	1.218.518,34
5. Bosansko-podrinjski	3.189	59.229,29	240.000,00	299.229,29
6. Srednjobosanski	32.753	608.321,37	240.000,00	848.321,37
7. Hercegovačko-neretvanski	29.802	553.512,45	240.000,00	793.512,45
8. Zapadnohercegovački	10.795	200.495,50	240.000,00	440.495,50
9. Kanton Sarajevo	58.403	1.084.718,74	240.000,00	1.324.718,74
10. Kanton 10	6.115	113.573,88	240.000,00	353.573,88
UKUPNO	301.513	5.600.000	2.400.000	8.000.000

Tabela 7: Raspodjela sredstava po kantonima/županijama za mjeru: Služba u suradnji sa poslodavcima 2022

KANTON	Nezaposlene osobe (30.11.2021.)	Osnov za obračun	Udio/učešće (%)	UKUPNO
1. Unsko-sanski	32.974	2.397.448,12	40	958.979,24
2. Posavski	4.035	885.774,49	25	221.443,62
3. Tuzlanski	70.762	4.371.363,01	40	1.748.545,20
4. Zeničko-dobojski	52.685	3.427.082,83	14,58	500.000,00
5. Bosansko-podrinjski	3.189	841.582,37	40	336.632,95
6. Srednjobosanski	32.753	2.385.903,84	40	954.361,54
7. Hercegovačko-neretvanski	29.802	2.231.753,77	40	892.701,51
8. Zapadnohercegovački	10.795	1.238.893,60	40	495.557,44
9. Kanton Sarajevo	58.403	3.725.771,44	40	1.490.308,58
10. Kanton 10	6.115	994.426,53	40	397.770,61
UKUPNO	301.513	22.500.000		7.996.300,69

Zavod će, zavisno od stanja i potreba na tržištu rada, odlučivati o eventualno neutrošenim sredstvima tokom realizacije Programa, odnosno njihovoj relokaciji unutar jednog programa, te relokaciji iz jednog programa u drugi, a u skladu sa iskazanim potrebama kantona/županija.

8. Priprema za realizaciju Programa

U okviru pripreme faze Programa, Zavod:

- poziva poslodavce i fizičke osobe da se registriju na web portalu www.fzzz.ba, radi sudjelovanja u Programu,
- informira javnost o Programu najkasnije 10 dana prije objave Javnog poziva putem web portala Zavoda, putem Ureda Vlade Federacije Bosne i Hercegovine za odnose s javnošću, a po potrebi i putem drugih sredstava javnog informiranja,
- izrađuje obrasce potrebne za realizaciju Programa,
- osigurava softversku aplikaciju za prijavu na Javni poziv,
- potpisuje sa službama Sporazum o međusobnoj suradnji o realizaciji Programa.

9. Javni poziv

Zavod objavljuje Javni poziv za sudjelovanje u Programu putem web portala: www.fzzz.ba izuzev za mjeru Služba u suradnji sa poslodavcima 2022 koja se realizira podnošenjem zahtjeva za sufinansiranjem/Obrasca SP službi za zapošljavanje.

Javni poziv ostaje otvoren tri (3) radna dana.

Poslodavci i fizičke osobe za mjeru Tražim poslodavca 2022, se tokom trajanja poziva mogu prijavljivati svaki radni dan u periodu od 8,00 do 16,00 sati.

Zavod odlučuje o datumu objave i visini finansijskih sredstava za svaki Javni poziv.

Upravni odbor Zavoda će u toku realizacije, a zavisno od stanja i potreba na tržištu rada odlučivati o eventualnim promjenama iz ovog programa.

Osnovne informacije o postupcima, proceduri i aktivnostima iz Programa, korisnici Programa dobivaju na portalu, te putem telefona i e-maila u službama i Zavodu.

9.1. Registracija poslodavca

Registracija poslodavca je preduvjet za sudjelovanje na javnom pozivu, a koja se mora izvršiti prije podnošenja prijave na javni poziv. Poslodavac se registrija putem linka na web portalu Zavoda: www.fzzz.ba. Prilikom registracije poslodavac unosi tražene podatke iz obrasca registracije. Nakon izvršene registracije, poslodavac na svoju e-mail adresu dobiva automatski generiran e-mail koji sadrži link odabirom kojeg poslodavac potvrđuje svoju registraciju. Zavod provjerava ispravnost unesenih podataka nakon čega poslodavac dobiva e-mail kojim se obavještava o uspješnosti svoje registracije odnosno u slučaju da podaci nisu ispravni, da registracija nije moguća, te da je potrebno ponovno pristupiti registraciji.

Po uspješno okončanoj registraciji, poslodavac ubuduće pristupa web portalu Zavoda koristeći korisničko ime i lozinku koje je sam odredio prilikom registracije.

Poslodavci koji su već registrirani na portalu Zavoda: www.fzzz.ba, ne trebaju se ponovo registrirati za potrebe sudjelovanja na javnom pozivu osim u slučaju izmjene unesenih podataka.

Registracija neće biti moguća 8 dana prije objave javnog poziva.

9.2. Registracija fizičkih osoba

Registracija fizičkih osoba je preduvjet za sudjelovanje istih na javnom pozivu u mjeri Tražim poslodavca 2022, a koja se mora izvršiti prije podnošenja prijave za sudjelovanje u navedenoj mjeri. Fizičke osobe se registriraju putem linka na web portalu Zavoda: www.fzzz.ba. Prilikom registracije fizička osoba unosi tražene podatke iz obrasca registracije koji se odnose na ime i prezime, matični broj, adresa prebivališta, broj telefona/mobitela, e-mail adresu, korisničko ime i lozinku i ostale podatke koji se traže u obrascu.

Nakon izvršene registracije, fizička osoba na svoju e-mail adresu dobiva e-mail koji sadrži link odabirom kojeg fizička osoba potvrđuje svoju registraciju. Nakon unosa traženih podataka korisnici će putem e-maila biti obaviješteni da proces registracije završen.

Po uspješno okončanoj registraciji, fizička osoba ubuduće pristupa web portalu Zavoda koristeći korisničko ime i lozinku koje je sama odredila prilikom registracije.

Fizička osoba koja se registrirala na portalu Zavoda se prijavljuje na javni poziv za mjeru Tražim poslodavca 2022 koristeći svoje korisničko ime i lozinku.

Registracija neće biti moguća 8 dana prije objave javnog poziva za sudjelovanje u mjeri Tražim poslodavca 2022.

9.3. Prijava na Javni poziv

Poslodavac se prijavljuje za sudjelovanje u Programu putem web portala Zavoda, koristeći svoje korisničko ime i lozinku ili odabirom linka za sudjelovanje u Programu na web portalu Zavoda: www.fzzz.ba, kojom prilikom će se od poslodavca tražiti da unese svoje korisničko ime i lozinku.

Poslodavac u obrazac prijave unosi zahtjeve za sufinanciranjem zapošljavanja. Obrazac prijave se sastoji od podataka o poslodavcu (podaci iz registracije), kao i dijela u kojem poslodavac navodi svoje potrebe za radnicima (broj, stručna sprema, mjesto prijave na evidenciju nezaposlene osobe i dr.), po kantonima/županijama i mjerama.

Poslodavac se po mjeri „Služba u suradnji sa poslodavcima 2022“ prijavljuje podnošenjem zahtjeva za sufinanciranjem/preuzimanjem Obrasca SP 2022 sa web portala Zavoda i kojeg dostavlja nadležnoj Službi sa potvrdom banke o računu.

Poslodavac može podnijeti zahtjev za sufinanciranje zapošljavanja osoba iz svih kantona/županija i po svim mjerama što obuhvaća i mjeru Služba u suradnji s poslodavcima 2022, s tim što po jednom kantonu može zaposliti ukupno 20 osoba sa evidencije nezaposlenih. U slučaju da se u prijavi navede veći broj osoba od prethodno definiranog, takav zahtjev neće biti prihvaćen, te se poslodavac obavještava o potrebi izmjene takve prijave. Također, u slučaju da je to mjerama predviđeno, poslodavac se opredjeljuje za period sufinanciranja u okviru ponuđenih opcija (1, 2, 3, 4, 5, 6 i/ili 12 mjeseci).

Prijave na javni poziv se evidentiraju, u realnom vremenu, na web portalu Zavoda po datumu i vremenu podnošenja istih. Sve prijave će, sukladno pravilima Programa, biti provjerene.

Po okončanom postupku prijave, poslodavac putem e-pošte dobiva obavještenje da je prijava zaprimljena (status: *na provjeri*), nakon čega Zavod pristupa provjeri kvalificiranosti poslodavca za sudjelovanje u Programu.

Nakon što je provjerom (FIA i IDEEA) utvrđeno koji od prijavljenih poslodavaca su kvalificirani za sudjelovanje u Programu (status: *odobren*), informacija o istim će biti dostupna poslodavcima na web portalu Zavoda te će se putem e-maila učiniti dostupnom Službi. Na osnovu navedenog, Služba u što kraćem roku, koji ne može biti duži od tri (3)

dana od dana prijema navedene informacije, dodatno obavještava poslodavca putem e-maila o odobrenoj prijavi te ga poziva da u roku koji ne može biti duži od 15 dana od dana obavještenja dostavi potrebnu dokumentaciju za zaključenje ugovora o sufinanciranju zapošljavanja do utroška raspoloživih sredstava utvrđenih budžetom za taj poziv.

U slučaju da nema dovoljno sredstava po određenim zahtjevima iz prijave, prijava se zaprima sukladno visini raspoloživih sredstava u trenutku podnošenja prijave, odnosno, prijava će biti zaprimljena za onaj broj nezaposlenih osoba za čije sufinanciranje u trenutku podnošenja prijave ima dovoljno raspoloživih sredstava.

Poslodavci koji su se prijavili na javni poziv, a za čiju realizaciju prijave nije bilo trenutno raspoloživih sredstava uvrstavaju se na listu čekanja (status: *na čekanju*). Ukoliko je provjerama utvrđeno da ispunjavanju uvjete programa, isti će biti pozvani na zaključivanje ugovora, u slučaju odustajanja nekog od poslodavaca, za one mjere i kantone/županije gdje su se sredstva učinila raspoloživim.

Obračun eventualno raspoloživih sredstava za poslodavce na listi čekanja će se ažurirati u skladu sa raspoloživim sredstvima.

U slučaju zahtjeva za posredovanjem u zapošljavanju, Zavod će informaciju o istom učiniti dostupnom Službi, radi posredovanja.

Za mjeru „Tražim poslodavca 2022“, nezaposlena osoba iz ciljne grupe se prijavljuje na javni poziv koristeći prethodno dodjeljenu šifru prilikom registracije na portalu FZZZ-a, nakon čega dobija obrazac TPO koji sadrži odgovarajući broj vaučera. Nakon što nezaposlena osoba pronađe poslodavca koji je spreman da je zaposli uz mjeru „Tražim poslodavca 2022“, poslodavac se, također, prijavljuje za sudjelovanje u Programu putem linka na web portalu: www.fzzz.ba, unoseći potrebne podatke i obavezno broj vaučera iz *Obrasca - Tražim poslodavca (Obrazac TPO)* osobe sa statusom „odobrena“ koju namjerava zaposliti i druge potrebne podatke.

Poslodavac se odmah prilikom prijavljivanja na Javni poziv odlučuje za varijantu perioda sufinanciranja i broj osoba. Poslodavac može zaposliti više osoba sa obrascem TPO, sukladno odredbama Programa, vodeći računa da se može zaključiti samo jedan Ugovor o sufinanciranju zapošljavanja po ovoj mjeri, po kantonu.

Za mjeru „Služba u suradnji s poslodavcima 2022“ poslodavci i drugi partneri se direktno prijavljuju Službi, putem redovne pošte ili lično, i dostavljaju popunjen *Obrazac prijave – Služba u suradnji sa poslodavcima (Obrazac SP)*, koji je dostupan na web portalu: www.fzzz.ba i u Službi.

10. Provjera i obrada pristiglih prijava/zahtjeva

Zavod provjerava kvalificiranost poslodavaca za sudjelovanje u Programu i to eventualno neplaćene kazne i troškovi postupka zbog prekršaja - rad na crno - IDEEA; te glavni račun – FIA.

Zavod će Službi učiniti dostupnom informaciju o kvalificiranim poslodavcima (poslodavci koji su uspješno prošli provjeru Zavoda u FIA-i i IDEEA-i) po kantonima/županijama i mjerama (status: *odobren*), nakon čega Služba pristupa proceduri pripreme i potpisivanja ugovora sa poslodavcem.

Kvalificirani poslodavac, tj. onaj koji ispunjava navedene uvjete predviđene Programom, a ne traži od Službe posredovanje u zapošljavanju, treba, radi daljnje provjere sa ciljem zaključenja ugovora, Službi dostaviti sljedeću dokumentaciju:

- isprintanu *Prijavu na Javni poziv/Obrazac SP*, ovjerenu i potpisanu od ovlaštene osobe (za svaku mjeru pojedinačno),
- ugovore o radu s nezaposlenim osobama čije se zapošljavanje sufinancira, a koje je poslodavac zaposlio nakon podnošenja prijave/Obrasca SP,
- Uvjerenje Porezne uprave Federacije BiH o izmirenim porezima i doprinosima ne starije od mjesec dana od dana objave javnog poziva ili Sporazum s Poreznom upravom Federacije BiH o izmirenju duga po osnovu poreza i doprinosa. (*Ukoliko poslodavac potpisuje više ugovora o sufinanciranju zapošljavanja po različitim mjerama, prilaže jedan original navedenih dokumenata, i kopije istih za ostale mjere na koje je aplicirao*).
- isprintan i popunjen *Obrazac o sufinanciranim osobama (Obrazac SO)*, ovjeren i potpisan od ovlaštene osobe, koji je dostupan na web portalu Zavoda,
- *Obrazac za traženje poslodavca (Obrazac TP)* potpisan od nezaposlene osobe (samo za mjeru „Tražim poslodavca 2022“),
- dokaz na osnovu kojeg se iznos sufinanciranja povećava za 10 % sukladno odredbama Programa,
- dokaz kojim se potvrđuje status demobiliziranog branioca/razvojačenog branitelja, odnosno demobiliziranog branioca/razvojačenog branitelja dobrovoljca (samo za mjeru „Zapošljavanje demobiliziranih branilaca/razvojačenih branitelja 2022“).

11. Zaključivanje ugovora o sufinanciranju

Rok za zaključivanje ugovora o sufinanciranju zapošljavanja, od strane poslodavca i nadležne Službe je 30 dana od dana slanja obavijesti Službe poslodavcu o odobrenoj prijavi. Služba je dužna u roku od 10 dana od isteka prethodnog roka, dostaviti ugovore Zavodu.

Rok za zaključivanje ugovora o sufinanciranju zapošljavanja, od strane Zavoda je 30 dana od dana prijema ugovora.

Za poslodavce koji prijem radnika vrše putem Agencije za državnu službu, rok za zaključenje ugovora od strane svih potpisnika o sufinanciranju zapošljavanja je 180 dana od dana podnošenja prijave na javni poziv. Prije isteka navedenog roka, poslodavac je dužan dostaviti gore navedenu dokumentaciju.

U slučaju da poslodavac traži posredovanje u zapošljavanju, obavezan je obratiti se Službi zahtjevom za posredovanje u zapošljavanju u skladu s procedurama Službe. Rok za zaključenje ugovora, od strane svih potpisnika, o sufinanciranju zapošljavanja je 60 dana od dana podnošenja prijave poslodavca na javni poziv.

Za one poslodavce koji su imali status „na čekanju“, a u međuvremenu su prešli na status „odobren“, Zavod će navedenu informaciju učiniti dostupnom Službi. Služba odmah po prijemu predmetne informacije poziva navedene poslodavce putem e-maila/ili drugim pisanim putem da se u roku od tri (3) dana izjasne da li žele sudjelovati u Programu, odnosno da li žele pristupiti proceduri zaključenja ugovora o sufinanciranju zapošljavanja te obavještava iste o odobrenoj prijavi kao i da je potrebno da u roku od 15 dana od dana obavještenja dostave potrebnu dokumentaciju za zaključenje ugovora o sufinanciranju zapošljavanja. Rok od 30 dana za zaključenje ugovora o sufinanciranju zapošljavanja od strane Zavoda za ovu kategoriju poslodavaca, počinje teći od dana prijema ugovora.

Ukoliko se poslodavac ne izjasni u navedenom roku, smatrat će se da je odustao od sudjelovanja u Programu.

Služba provjerava dostavljenu dokumentaciju te ukoliko je poslodavac dostavio nepotpunu ili dokumentaciju koja nije odgovarajuća/validna ili nije ispoštovao obaveze u skladu sa ranije zaključenim ugovorima o sufinanciranju zapošljavanja, obavještava poslodavca o eventualnoj potrebi dopune dokumentacije u ostavljenom roku, koji ne može biti duži od Programom definiranih rokova, odnosno o razlozima nepotpisivanja ugovora.

Poslodavcima koji su bili na listi „na čekanju“, a zaposlili su nezaposlene osobe u roku od 30 dana od dana objave javnog poziva, priznat će se pravo na zaključivanje ugovora o sufinanciranju zapošljavanja, ukoliko isti ispunjavaju uvjete definirane Programom.

Ukoliko je dokumentacija potpuna i validna, zadovoljavajuća/odgovarajuća, Služba priprema tri (3) primjerka ugovora o sufinanciranju zapošljavanja i poziva poslodavca da potpiše iste ili nepotpisane primjerke ugovora dostavlja poslodavcu na potpis uz napomenu da iste, potpisane i ovjerene, vrati Službi.

Nakon što poslodavac potpiše i ovjeri sve primjerke ugovora, Služba potpisuje i ovjerava iste te ih dostavlja Zavodu. Uz primjerke ugovora, Služba Zavodu dostavlja i Uvjerenje Porezne uprave Federacije BiH o izmirenim porezima i doprinosima ili Sporazum s Poreznom upravom Federacije BiH o izmirenju duga po osnovu poreza i doprinosa.

Zavod vrši konačnu provjeru uplate doprinosa po dostavljenom Uvjerenju Porezne uprave FBiH o izmirenim porezima i doprinosima ili po dostavljenom Sporazumu s Poreznom upravom Federacije BiH o izmirenju duga po osnovu poreza i doprinosa.

Zavod provjerava ugovore i dostavljenu dokumentaciju, a po potrebi može od Službe zatražiti i dodatnu dokumentaciju s ciljem provjere ugovora dostavljenog na potpis. Ukoliko su svi uvjeti ispunjeni, Zavod potpisuje i ovjerava sve primjerke ugovora, te zadržava jedan (1) primjerak, a ostale vraća Službi.

Služba zadržava jedan (1) primjerak ugovora, a jedan (1) prosljeđuje poslodavcu.

U mjeri Služba u suradnji sa poslodavcima 2022 Služba zaprima zahtjev za sufinanciranjem/Obrazac SP 2022, Obrazac SO i prateću dokumentaciju, te ukoliko je dokumentacija potpuna i validna, zadovoljavajuća/odgovarajuća, Služba obavještava Zavod koji vrši provjeru sukladno točki 10 stav 1. i 2. Programa. Nakon uspješno izvršenih provjera, Zavod daje suglasnost, putem e-maila, Službi za izradu i zaključivanje ugovora o sufinanciranju. Poslodavac može zaposliti osobu momentom davanja suglasnosti od strane Zavoda, a najkasnije u roku od 30 dana od dana zaključenja ugovora. Nezaposlena osoba mora biti prijavljena na evidenciju nezaposlenih najmanje 30 dana prije podnošenja zahtjeva za sufinanciranje/Obrazac SP 2022.

12. Pravljanje i isplata ugovorenih sredstava

Nakon potpisivanja ugovora, poslodavac je u obavezi, u pravilu, najdalje do kraja mjeseca za protekli mjesec, putem e-maila Službu obavijestiti o uplaćenim doprinosima za sufinancirane osobe. Nakon toga Služba pristupa provjeri istog putem portala Porezne uprave Federacije BiH.

Služba, po potrebi, može zatražiti dostavu dodatne dokumentacije od poslodavca kojom se dokazuje ispunjenost uvjeta za isplatu.

Poslodavac navedene obavijesti, dostavlja Službi putem e-maila kojeg je naznačio prilikom registracije. *Navedeno obavještenje mora sadržavati sljedeće podatke: naziv poslodavca, JIB poslodavca, naziv mjere po kojoj je zaključen ugovor o sufinanciranju zapošljavanja, ime i prezime sufinancirane osobe te JMBG sufinancirane osobe.*

Nakon izvršene provjere, Služba obavještava Zavod o ispunjenim uvjetima za isplatu.

Zavod, na osnovu zaprimljenog obavještenja od Službe, poslodavcu isplaćuje/refundira ugovoreni iznos za protekli, opravdani period.

Ukoliko poslodavac ne ispunjava redovno ugovorne obaveze, Zavod, po obavijesti Službe o navedenom, pokreće postupak raskida ugovora, najdalje u roku od 60 dana od dana isteka ugovornih obaveza o čemu obavještava poslodavca i Službu.

13. Opće napomene

Na sve mjere iz ovog programa u pogledu zaključivanja, trajanja i raskida ugovora o radu analogno se primjenjuju slijedeća pravila:

- Poslodavac može zaključiti ugovor o radu i izvršiti prijavu osobe na Poreznu upravu Federacije BiH - obrazac JS 3100 na dan apliciranja na Javni poziv, s tim što će se ugovor o sufinanciranju zapošljavanja zaključiti samo sa poslodavcima koji ispunjavaju uvjete Programa, u okviru raspoloživih sredstava. (izuzev mjere Služba u suradnji sa poslodavcima 2022)
- U slučaju raskida ugovora o radu sa sufinanciranom osobom, poslodavac je u obavezi u roku od 15 dana od raskida ugovora, za preostali period ugovorne obaveze, zaključiti ugovor o radu sa zamjenskom nezaposlenom osobom iz iste kategorije koja mora biti na evidenciji nezaposlenih najmanje dan ranije u odnosu na dan zaključivanja ugovora o radu. U slučaju raskida ugovora o radu sa sufinanciranom osobom, poslodavac je dužan o istom odmah obavijestiti Službu te odmah po eventualno zaključenom ugovoru o radu sa zamjenskom osobom dostaviti isti Službi. Na osnovu navedenog, Služba provjerava na portalu Porezne uprave Federacije BiH da li je poslodavac odjavio osobu s kojom je raskinut ugovor o radu te da li je prijavio zamjensku osobu na obavezna osiguranja u Poreznoj upravi Federacije BiH. Ukoliko je provjerom utvrđeno da poslodavac navedeno nije izvršio ili dostavljena dokumentacija ne bude validna, postupit će se po odredbama Programa, kao u slučaju da poslodavac nije zaposlio zamjensku osobu. Poslodavcu je tokom trajanja ugovora o sufinanciranju dozvoljeno da zaposli najviše jednu (1) zamjensku osobu po svakoj sufinanciranoj osobi.
- Za mjeru „Tražim poslodavca 2022“ i „Zapošljavanje pripravnika 2022“ ne može se zapošljavati zamjenska osoba.
- U slučaju da poslodavac nije zaključio ugovor o radu sa zamjenskom nezaposlenom osobom obračunat i refundirat će se do tada opravdani iznos sredstava za osobu s kojom je raskinut ugovor o radu. Za eventualno ostale sufinancirane osobe koje nastavljaju svoj radni odnos kod poslodavca, nastaviti će se postupanje u skladu sa zaključenim ugovorom o sufinanciranju.
- U slučaju nastupanja okolnosti da je osoba čije se zapošljavanje sufinancira privremeno spriječena za rad duže od 42 dana ili koristi porodiljsko odsustvo, sufinanciranje zapošljavanja se obustavlja za taj period. U slučaju povratka na rad osobe po prestanku predmetnih okolnosti, poslodavac za preostali period ima pravo nastaviti koristiti prava određena Programom i ciljom mjere iz ugovora o sufinanciranju zapošljavanja. Služba je u obavezi evidentirati navedene slučajeve te o istom blagovremeno obavijestiti Zavod. Ova pravila zbog specifičnosti mjera ne primjenju se u mjerama „Periodično/sezonsko zapošljavanje 2022“ i „Javni radovi i pomoć potrebnima 2022“.
- U slučaju umanjenja financijske vrijednosti ugovora, radi efikasnosti i ekonomičnosti realizacije Programa, poslodavac je obavezan e-mailom obavijestiti

SluŹbu o nastalim promjenama Źto ugovorne strane prihvaćaju bez posebnih aneksa ugovoru.

- Svi aplikanti, sudjelovanjem u Programu, pristaju da Zavod obrađuje njihove lićne/osobne podatke u svrhu provođenja Programa, te da se njihovi podaci koji se odnose na naziv pravnog lica te ime i prezime fizićke osobe mogu objaviti na web portalu Zavoda: www.fzzz.ba, u svrhu informiranja javnosti o prijavama na javni poziv te radi transparentnosti provođenja Programa.

14. Kontrola i praćenje izvršenja ugovorenih obaveza

Zavod i SluŹba će kontinuirano pratiti realizaciju ugovornih obaveza poslodavca, i to:

- provjerom podataka na portalu Porezne uprave Federacije BiH,
- provjerom dokumentacije potrebne za zakljućivanje ugovora o sufinansiranju zapošļavanja,
- kontrolom provođenja ugovorenih obaveza neposredno kod SluŹbe i/ili poslodavca na bazi uzorka.

Ukoliko se praćenjem realizacije ugovorenih obaveza poslodavca utvrdi da ih poslodavac ne ispunjava, pokrenut će se postupak raskida ugovora.

15. Indikatori za praćenje realizacije (monitoring) i ocjenu uspješnosti efekata mjera (evaluaciju)

Izvjestaj o realizaciji Programa - monitoringu će se izrađivati u skladu s Planom monitoringa. Izvjestaj o evaluaciji Programa će sadržavati sljedeće podatke:

a) Ulazni podaci:

- Osnovni pokazatelji kretanja na trŹištu rada,
- Kratak opis Programa (uvjeti Programa, ciljna grupa, korisnici, visina subvencije, period trajanja subvencije, elementi Javnog poziva),
- Broj osoba na evidenciji nezaposlenih (po kantonima/Źupanijama, spolu, dobi, obrazovnoj strukturi i dr.), stanje 31.12.2021. godine,
- Iznos ukupno planiranih sredstava po kantonima/Źupanijama i mjerama Programa.

b) Podaci o aktivnostima – izlazni podaci:

- Aktivnosti vezane za Javni poziv (objava, provjera prijava, zakljućivanje ugovora i dr.),
- Broj zakljućenih ugovora s poslodavcima,
- Struktura poslodavaca koji sudjeluju u realizaciji mjera (osnovna obiljeŹja),
- Broj osoba obuhvaćenih po mjerama (po strukturnim obiljeŹjima),
- Ukupna vrijednost zakljućenih ugovora po mjerama (planirano, ugovoreno, utrošeno),
- Prosjećan iznos poticaja/intervencije po osobi po mjerama.

c) Podaci o učincima mjera iz Programa: Mladi sa iskustvom 2022, Zapošļavanje Źena 2022, Prilika za sve 2022, Zapošļavanje demobiliziranih branlaca/razvojaćenih branitelja 2022, Nova mogućnost 2022, TraŹim poslodavca 2022, SluŹba u saradnji sa poslodavcima 2022

- Broj osoba obuhvaćenih mjerama iz Programa koje su ostale u radnom odnosu Źest (6), odnosno 12 mjeseci nakon isteka ugovorenog perioda sufinansiranja zapošļavanja (po strukturnim obiljeŹjima),
- Prosjećan trošak po zapošļavanju - Cost per job,
- Nivo izvršenja postavljenih ciljeva.

d) Podaci o učincima mjera: Zapošljavanje pripravnika 2022, Javni radovi i pomoć potrebnima 2022 i Periodično/sezonsko zapošljavanje 2022

- Broj osoba koje su stekle potrebno prvo radno iskustvo (po strukturnim obilježjima),
- Broj osoba uključenih u javne radove (po strukturnim obilježjima),
- Broj osoba uključenih u periodične poslove za potrebe poslodavaca (po strukturnim obilježjima),
- Nivo izvršenja postavljenih ciljeva.

Ispitivanje zadovoljstva korisnika i mjerenje učinaka kroz anketiranje će se izvršiti u skladu s mogućnostima.

Izvor podataka o realizaciji mjera aktivne politike zapošljavanja i sredstva verifikacije rezultata i mjerenja učinaka su:

- evidencija korisnika poticaja i izvještaji iz Modula za realizaciju aktivnih politika zapošljavanja u sklopu Jedinog informacionog sistema Federalnog zavoda za zapošljavanje,
- podaci iz portala Porezne uprave Federacije BiH,
- anketa korisnika poticaja,
- ostala pomoćna sredstva i izvori podataka.